



盛明十二家詩選第六卷目錄

五言律詩

春日宴集

暮春

負郭

送南元善守紹興


文徵仲蔡九達初至都下會飲興隆寺

病子何仲默蔣子雲過訪

次韻酬孔汝錫

鷄冠

薛蕙



酬惟喬贈巾

七夕集廷獻宅

夏日即事

直省中懷浚川

泛舟

秋日溪上

招廷獻子雲飲

春夜過時濟飲

陳真人館賞荷花

訪雍上人

夏日遊道觀

晦日夜集

避雨五嶺山

高叔嗣

賦得嶧山碑送李東升

齋居偶題

歲暮答許武部

飲任文選宅

送仲實黃門

安肅縣寺病居董玄亮見過

分水嶺晚行

星軺驛別林八

仲春山行

刈禾了晚望

揚州問主人

由関子嶺發兵

謝病後初朝

中秋同栗夢吉飲

平定城用壁間韻

途經五臺山

東郊雨中簡士量

初去都夜

簡子陽廷評

量移湖南

初秋谷司僕別業

登省中樓望雪

李攀龍

憶弟

春日常氏園

春日

登黃榆馬陵諸山

郡齋與元美賦

送元美

秋日

五日和許傳讌集

夏日東村卧病三首

秋日村居

和殿卿

同殿卿遊南山

立春前夜殿卿携具見枉

立春對雪

寄子與

寄殿卿

郡齋送張肖甫

郡齋與元美賦

奉寄華學士

王世貞

夏日小理花榭

送戴同年令閩

天寧寺晨起

送姜君之衡山

初夏游張氏山亭

移司順義有作二首

途中雜咏

雨泊崑城

過莫公草堂

幼于見過

夏日飲煦上人房

劉僉憲罷官

穀日雪作

袁魯望見過

過徐徵君作

子與見貽新詩

寄黃生舒華

荅殷無美問病

題項子曲池草堂

八月十五夜濟寧池亭別子與

除夕張山人分韻

張肖甫由廣西入賀得書有寄

寒食

病阻潛江口

偶成

寄肖甫

悼亡兒果祥

呈助甫

天界寺訪孤松和尚

姚汝循共

留酌張惟守花墅

秋日同惟守遊崇因寺

送子野遊棲霞

贈養潛徐公子

夏日半峰亭

寄韓衢州湖南

孟夏廿七日同惟守習靜虛谷禪居

菊日對酒適張少谷自越中至

為子野悼妾

同方潯南看菊

桐灣閣待月

晚泊荻港

應祥許至三山言別望而不至却寄一首

自橫梁渡放舟

假宿石麓山房

巴東公署感秋

碧雲寺

夜至巴陵

書朱職方冊

元晉養痾山寺

與惟守夜話有感

覽八陣圖短述

舟次捷為

夷陵除夕

張恒侯祠下

林三庭歲暮過余道舊別去輒成悲歌
喜惟守見過

新歲集錢別駕

秋日山中

張文介

暮春與游初飲
待徐水南兄

秋日園中有懷

松樂亭晚眺呈方兩游丈賓山上人

秋夕游初兄至

過崗南別墅志喜

與游初兄飲

晚坐有懷

對菊示內人

張南溪北亭

張南溪北亭燕集有贈

春日喜克際見過

小園晚興

對雪遣心

春日寓畢氏園魏將軍南洲見過

寄雷東河參軍

早起對雪

夏日與諸兄弟携酒過李望菴園

竹泉兄水亭納涼

家園納涼

天真閣晚望

春日寄黃新陽明府

懷宋如竹參軍

溪邊

浮石舟中

秋日園中書懷

送友人之任九江

小園獨酌

春日寓王丈樓

飲鳳麓太守花墅

睡起有感

冬夜旅懷

飲鳳麓太守讀書處得迷字

送潘至齋

金陵旅懷

寄雷東河參軍

與鳳麓丈習靜虛谷上人禪房

寄費懷石參軍

宿關上寄諸社友

四月八日與橫崖明府集鳳麓郡伯別墅

花間呈水南兄

重經焦鹽

與王道巖重遊清獻公亭上作

九日 駱家路旅舍

乙亥至夜游初足携具見過

遣懷 七夕送程六嶽

乙亥除日飲虎泉公浮休舫中

秋日虎泉公園與李珠山康曉山二丈作

夏日携酒虎泉戶侯園

丁丑中秋與游初足對酒作

戊寅元日 與懷石湖心亭作

秋日山居雜興 章戴舟中

夜坐書懷 桐江舟中

對雪撥悶 南泉草堂

王叅戎南園 早春與中石遊

夏日與懷石施公園看五月菊

秋日與游初君直尚玄遊雲居松樂亭

雪晴即事 朝閣

湖上和茅使君 己卯春日

九日飲迴崖禪房 宴西花園

與胡靜源遊雲居

與陶少和少府作

春夜游初見過

建德南城開眺

春日過迴崖禪房

還家喜希曾見過

書陳美人扇

湖濱曉步

立秋與張歷山先生飲紫陽洞

發謝家埠

春日迴崖見過

初夏携酒童子泉

飲王懷亭總戎館

寓陸明宇書樓

與迴崖看桃花

畢

盛明十二家詩選卷六

東坡詩集卷六

益王潢南道人選輯批點

五言律詩

薛蕙

春日宴集

連騎遊南浦。方舟汎綠波。日華雲際薄。春色水
邊多。蘭渚容罇俎。花林映綺羅。袂除期又逼。柰
此宿醒何。清興灑然

暮春

春光垂晚暮。天氣轉清和。遲日增花萼。微風罷水波。合用字不拋書常懶讀。得酒即狂歌。看取星髮今年又校多。清新曠達

負郭

負郭茆堂小。臨溪竹圃斜。老杜多如山樽携野客。魚網曬鄰家。荒徑封殘雪。踈籬透晚霞。預思春到日。著處種桃花。妙更在結高情可想

送南元善守紹興

傳聞會稽郡。清絕擅三吳。水竹深蘭渚。雲峰滿

鏡湖。論交媿連壁。出守羨分符。時有東南使。新詩未可無。

文徵仲蔡九達初至都下會飲興隆寺王

直夫館中得涼字

把燭尋山徑。開樽掃石堂。風流初邂逅。露坐轉清涼。妙用字竹樹寒雲色。花林宿雨香。高談真絕倒。無暇問津梁。

病中何仲默蔣子雲過訪

何人顧寂寞。盡日少歡娛。慰藉煩知己。扳留強

病軀濁醪來近市野飯出中厨珍重交親意艱
難愧腐儒全佳似唐調矣

次韻酬孔汝錫

多君金馬客就我竹林間對酒頻移席論文一
解顏詞臣翻補外野老合投閑穎毫殊相近詩
筒約往還

鷄冠

陋圃之奇樹凡花充藥欄職司愆夙夜名品濫
衣冠俛首同尸素輸心異渥丹一鳴猶不易五

德亮應難結語佳

酬惟喬贈巾

野巾初着日心賞竟朝曛試正行窺水從歌卧
看雲坐翻嫌月露出每避塵紛顧影還相笑風
流媿使君清

七夕集廷獻宅

秉燭開秋宴更衣坐晚涼雲霄降帝子詞賦接
仙郎清麗月寫蛾眉色風傳玉佩香俊逸慚君
有妍唱欲報不成章

夏日即事

宿雨池塘滿薰風草樹多鳥飛衝落絮魚沒翳
新荷釀酒供斟酌吟詩當笑歌田家耕種日閭
巷少經過

直省中懷浚川

寓直深春日端居薄暮時鈎簾看紅藥隱几聽
黃鸝省署容吾病風塵懷我師憂來對明鏡柰
可髮成絲

泛舟

別館初停騎橫塘更泛舟蘭芳滿南浦翠羽覆
春洲落日明漁火微風引棹謳今朝泥行樂那

減習池遊

燕達

秋日溪上

何處窺秋色擎舟入水隅清波照鳧鴈寒露洗
菰蒲促迫悲生事登臨快病軀由來野人意終
日羨江湖佳

招廷獻子雲飲

廢書多病後抱杖獨行時晚日添花蕊春風損

蔓絲物華空爛熳心賞每忝差遲爾來同醉能
無酒一卮

春夜過時濟飲

露淨開樽處天青岼幘時素雲將月上香霧任
風吹極清新之為樂常苦晏含情復待誰連徑須

成一醉莫遣酒行遲

陳真人館中賞荷花二首

寂寥花水上結構羽人廬窓戶生雲閣松杉映
月虛犬靈因試藥鶴老解窺書長揖當塗客榮

華不可如好

二

春院焚香處晨關却掃時綠綈裝古帙白石種
靈芝招隱劉安賦遊仙郭璞詩蓬萊多舊侶題
字問相思

訪雍上人

冬日自虛寂空林地更偏經聲行處近燈影望
中然殘雪明苑苑寒雲蔭石筵偶應休澣暇來
此暫安禪有王右丞風味

夏日遊道觀

隔竹窺丹洞。臨池坐碧沙。玉盤盛石髓。翠籠貯雲芽。展簟來風色。吹笙上月華。休論河朔飲。詎似醉流霞。

晦日夜集

晦日歸休晚。良游惜後時。卻拚長夜飲。共賦早春詩。雲霧窓中入。星河閣上垂。何須花與月。行樂始相宜。清新明爽信口道來皆有雅趣結意更出塵可喜

高叔嗣

避雨五嶺山

鳴雨斷還續。連山下復高。踈慵元自慣。登頓為誰勞。問館投身促。防崖著足牢。客程憐若此。終念反林臯。寫途中情景絕妙不亞高達夫使青夷軍作矣

賦得嶧山碑送李東升明府

秦皇千載後。嶧嶺尚遺碑。斷石青山路。孤城滄海湄。蕭條餘霸氣。磨滅想雄辭。君到鳴琴暇。應多弔古思。清而得體

齊居偶題

自免知何病重來尚此身愁多長畏客官拙竟
隨人日鎖空庭印風添滿几塵山田薄亦好不
去豈關貧中唐雅調

歲暮答許武部廷議懷歸

掩閣日愁晚他鄉歲已深未能逃世網豈是戀
朝簪以我不如意憐君同此心故園春事及歸
路儻相尋

飲任文選宅

敢謂齊年齒還憐抱夙心文章知汝在交契為
誰深華屋春燈艷層城夜柝沉雄渾賴蒙終夕
語客路一開衿

送仲實黃門扶持還固始

一路通淮水從親千里餘到門繫舟楫登岸啓
園廬宛然唐人洲富千頭橘溪深盈尺魚明光
待起草且莫賦閒居

安肅縣寺病居漢陽董玄亮見過時董奉

使還闕

門前易水路下馬漢陽人野寺天晴雪他鄉日
暮春相逢一尊酒久別滿衣塵活動不憚王程
急應憐伏枕身清爽委宛

分水嶺晚行

客興日無奈兵荒歲屢加少年曾許國多難更
移家遠水通春騎孤城起暮笳憑高一回首何
處是京華

星軺驛雨中別林八南還

驛外陰雲合窓中宿雨含深巖龍自鬪險路馬

能諳自在短髮星星甚長愁日日堪休將南望
淚歸傍二親談

仲春山行

春事殆過半客行殊未閑流雲開白日微雨點
青山身世本遲鈍林臯當早還煙郊草色長感
此奈愁顏

刈禾了晚望

禾黍空塲圃秋風滿近田出門看曠野倚杖向
高天蒿蕝孤煙直蓬池落日圓醉歌有鄰叟共

笑夕林前

揚州問主人

空林一葉落茅屋幾家秋對酒涼風至開簾古
樹幽相看還自笑欲去為誰留正此夷門下休
猜姓是侯有幽趣

由關子嶺發兵入綿上

儒衣曾事主羽檄且徵軍敢奮一朝畫而邀
百戰勲深山連古木落日斷黃雲絕似右愁思
荒村夕誅求不忍聞

謝病後初朝

舊識趨朝路重來謁帝庭出門聽曉漏立馬
望春星拙病身仍在羈栖志少寧盛時誰不戀
終自憶山垆

中秋同栗夢吉飲

罷酒俱不樂開簾望北軒寒星出戶少秋露墜
衣繁清散步憐新詠平居想故園空庭今夜月
客思豈堪言緣情之語

平定城東西交口用壁間韻

敢言觸熱倦。悅此午陰長。蘭氣清林薄。蒲風散野塘。高陵堪下馬。恠石欲成羊。奇可念征途。侶題詩徧驛堂。

途經五臺山不及攀游

客路迂回甚。驅車悵此分。懸崖晴度日。洞壑晚生雲。林迫非吾意。悲懽與衆群。終當卧靈岳。夙志豈徒云。

東郊雨中柬士量

閑居其絕跡。踈雨對芳原。念欲開青眼。誰還共

綠尊。對新林煙旁舍午。野色遠村昏。自笑平生意。無人空閉門。

初去都夜

泛舟當日落。解佩及春歸。病比相如是。情方叔夜非。暖雲蒸海氣。殘月吐洲暉。今夕孤懷客。誰云伴少微。

簡子陽廷評

終日祇緣此。微官柰若何。世情堪嘆息。身計任蹉跎。客鬢涼風早。鄉心夜雨多。二句非盛唐人語故交

誰復在無厭數來過

量移湖南用文谷韻

歲暮邊隅客歸來見此身馬蹄穿欲盡虎穴到
為鄰漳水經塗舊湘潭去路新我生豈斷梗逐
處任飄淪

初秋谷司僕杏山別業

田廬元自接談笑竟相從是日當農暇秋風動
客容開尊臨積水解帶挂長松欲去城東陌留
連聽暮鐘

李攀龍

登省中樓望西山晴雪

忽見西山雪高樓重倚闌數峰城上出落日署
中寒新佳色繁天仗清光切露盤小臣操郢曲
願獻聖人看氣象冠裳

憶弟

新醪楊柳色不醉欲何如薊北三春鴈山東二
弟書宦情閑遂淺人事病全踈未擬酬恩去空
令憶舊廬結語人所未語

春日韋氏園亭同元美賦

藉草到流水看花延落暉客中過寒食馬上改
春衣移席青山出開樽白鳥飛天涯有朋好能
使宦情微似杜

春日

為客淹歸騎思家過斷鴻春衣花發後寒食雨
聲中生事羞人問時名與衆同自甘即署隱不
哭宦途窮全佳

登黃榆馬陵諸山是太行絕頂處

黃榆高不極臨眺亦奇哉河勢中原拆山形上
黨來白雲橫塞斷寒峽倚天開搖落清秋色多
慙作賦才壯氣雄句

郡齋與元美賦

握手今何夕高齋共此樽衆人方睥睨二子尚
乾坤經術從吾淺詩名得爾尊當時揚馬輩誰
復在金門句好意太誇

送元美

吾曹天地在不惜滯風塵意氣能無合文章自

有真齊名他日事側目此時人為別還秋色樽
前白髮新

秋日

此物還堪惜何官不可休驅馳如昨日藥餌更
清秋名已千人廢家徒四壁愁南山歸自好沮
溺本同流起結出塵

五日和許傳湖亭讌集

青樽臨北渚一為故人開此事成今昔浮雲自
往來花間移枕簟鏡裏出樓臺忽就投湘賦深

知賈誼才後四句

夏日東村卧病三首

未同踈雨至勿剪夏雲繁片華樽前出雙流樹
杪翻紅顏辭上國白眼入中原入字未慢世吾
何敢風塵且避喧總謙退便

二

拂衣先達怪高枕故人疑世路衡門左軒車負
郭遲少年誇解事薄俗諱言詩何處堪遙集悠
悠未有期

空林風雨過瀟灑一樽開看竹俄蠲疾漂蓬敢
負才杜門辭問宇落日罷登臺不是憐嵇阮誰
堪把臂來佳

秋日村居

病色還相假秋光溘自開清羸堪傍竹潦倒重
街杯返照湖邊盡浮雲海上來即今知九辯無
處不悲哉全佳

和殿卿神通寺見貽之作

花宮留妙唱綵筆遍高僧說法從初地談詩出
上乘五言爭刻燭一字了傳燈玄度前身是風
流益可憑清新瀟洒

同許殿卿遊南山宿天井寺

古寺馬啼前荒山斷復連階危孤石倒厓響亂
泉懸喬木堪知午迴風半隱天不因許玄度誰
此得攀緣奇處似李

立春前夜齋居殿卿携具見枉

茅齋殘雪在新月况當門春動西園蓋寒空北

海樽詩篇閑自遣。交態老難論。似覺行厨色。能清病客魂。

立春日齋居對雪憶元美

齋居何所作。春雪是佳期。淨入年華淺。光含暝色遲。鳴弦流艷曲。拂簡映新詩。盛唐絕妙句此夕山陰客。扁舟興可知。妙

寄子與使君一首

一郡看如此。扁舟意若何。白雲天自遍。春水太湖多。怪事寧詞賦。幽人自薜蘿。平生無俗客。三

徑許誰過。豪放磊落

寄殿卿

人情原慘淡。世路故蹉跎。意氣彈冠少。風塵按劍多。客居深雨雪。春夢遠漳河。賴有西山色。猶堪載酒過。

郡齋送張肖甫二首

薊門相憶處。豈不問加餐。卧理非吾意。詩名向爾看。白雲尊酒盡。山色郡齋寒。莫惜重投轄。秋風道路難。

二
病起看時事。歸心不可裁。著書官欲罷。問字客還來。月出樽堪滿。霜清角自哀。相憐成白首。明日阻三臺。

夏日同元美徐子旋賈守準集張氏園亭

得談字

共載杯中物。聊停塵外驂。路人終白眼。世事豈清談。高枕夏雲出。空亭斜照含。竹間有流水。可。以。漱。餘。酣。

王世貞

奉寄華學士先生

共識承恩日。為郎典石渠。未須論失馬。已是遂焚魚。對妙小徑頻回駕。青山獨著書。無言同咄咄。有夢亦遼遼。典雅春容

夏日小理花榭漫興

謝客冠長解。拋書酒漸親。陋甘為圃問。拙憶灌園人。引瀑全宜暑。栽花已過春。忽驚搖落思。高柳暮蟬新。清

送戴同年令閩

憐君似安道而我愧王猷清夜數相過玄言時
自酬宦遊輕別路作吏更南州山閣荔枝熟毋
忘西北郵清便明爽宛似襄陽詩

天寧寺晨起即事

小榻棲蘭若朝來得縱眠依依上牕日隱隱隔
墟煙寫朝景偶轉曇花逕閒翻貝葉編隨緣可
度日無意更求禪辭清趣佳

送姜君之衡山令

爾去神明宰青山治不難祝融天一線石柱兩
千盤鴈自南荒盡鳧遷地極看中臺今太史應
識漢郎官盛唐正派

初夏游張氏山亭

宴坐盤石上澹然忘所歸片雲逗松頂隙月沾
人衣蠕蠕宿羽動稍稍澄露微尊酒欣有托塵
言晤來稀殊清新畧无煙火氣

移司順義有作

孤城寒色裏粉堞自悲笳行飯數秋葉携書當

晚衙誰言是官長我意等山家獨有清樽盡金
魚未許賒清興灑然

二

偶然吏事薄敢與山林期白日乍依我青雲將
問誰禽歸落霞色花吐凌霜枝欲作愚公署恐
令車馬知此篇在王岑之間清而又豪

途中雜詠

出郭已十里晨炊猶未煙浮雲濟陽樹殘雪
陰田句佳蔓雜鉤衣轉坡深隱幔偏那能怨行

後馬首正茫然

兩泊崑城遣信要仲蔚

三載抱寒影茲辰聊出游春風澹踈雨渺渺獨
行舟喜天然可暝色動城雉炊煙散林鳩對妙呼
童洗茶盃君解過儂否清新洒落置之岑孟集

過莫公草堂有作

流水欲盡處見君白雲堂誰云四立壁解有雙
脩篁妙開卷動秋色談詩過夕陽出門一長嘯
迥爾高天蒼有逸趣

幼于見過分韻

小徑苔從破清尊雨乍過亦知高枕是其柰故
人何懶但安居有狂今較馭多近耽貧賤理慎
莫厭松蘿

夏日飲煦上人房

野人無一事愛爾雲牀眠緩帶松風集開尊江
月懸下句更僧仍解中聖客亦喜逃禪欲問西
米意難從醒者傳好

劉僉憲罷官

偶一聞朝事君今又乞身世情工射影吾道合
垂綸歲月終何事江湖漸有人素衣知尚在不
染洛陽塵

穀日雪作

霰雪飄何甚因風裊更斜臘遲偏為穀春閏未
疑花曙色開銀鬕寒光入絳紗牀頭社酒熟扶
醉到鄰家清逸

袁魯望見過分韻得游字

盤飧無別味好為野人留菜甲春畦熟河鮑曉

市收白分燕玉暖青摩越絲柔却笑張公子尊
鱸奪宦游

過徐徵君作

城處無遠矚念君亭館幽窺
蕉竹色動隱几松
陰流道書久不讀清言時
吾敢擬羊求

子與病後見貽新

亦有清狂疾饒君善酒尊物情雙藥裹吾道一
衡門伏櫪人俱老衝星劍尚存此生終海嶽不

死任乾坤

感慨不勝

寄黃生舒華

及爾書來日行歲更可憐一官詩自罷句妙萬
態酒堪捐老豈時人力窮餘異代權何當具瓢
笠握手太湖煙

結語有仙氣

答殷無美問病

欲悉春來况頭顱漸不如
泔魚吾事晚羅雀故人
踈懶廢雖堪病窮愁可罷書
唯餘止酒意為爾尚疇曙
有逸趣

殷詩有肺病春來詩新書且絕

題項子曲池草堂用原韻

字許桓譚問名因求仲聞數楹浣花借一水武
夷分竹裊干雲色蘭滋過雨芬風塵知漸染不
愧北山文情景俱妙盛唐

八月十五夜濟寧池亭別子與

月自中秋滿人從此會離由來最圓夜翻是欲
虧時妙語玉魄斜穿樹金波細溢卮清光轉應
好脉脉待看誰

除夕張山人分韻是日有浙藩之報

濁酒那堪頌椒花爾與新自憐遲暮意初作量
移人雲迫中原晚霜含故國春一年唯此夜蓮
漏莫教頻

張參議肖甫由廣西入賀得書有寄

已分鴻書斷誰憑驛使來星從南極至天向北
辰開王會千官禮嵩呼萬壽杯君家金鑑錄况
是曲江才

寒食

故人日以故新冢歲行新自惜無涯智翻隨有

限身名言落花寒食節芳草舊園春任是風光
好那無淚滿巾幽恨無涯

病阻潜江口

獨棹阻風地孤燈伏枕身乍驚寒刺骨小間暗
傷神分與藥餌絕况無童僕親新醅煖兒輩誰
念不歸人善寫途中病景

偶成

薄有澄清志猶疑節制非一城如斗大三戶似
星稀返照松筠嫩初晴筍蕨肥春寒夜來急無

夢可成歸

寄肖甫

未論除日異祇是起家同宦跡難稱薄詩篇尚
帶窮江聲放衙後山色捲簾中六代風流事春
來盡屬公

悼亡兒果祥詩二首

一病無旬日奄然喪此身何心吾在世無計爾
為人昨撫猶如玉今看已作塵平生娛弄物觸
着暗傷神寫得到非大家
老手安能

動止能如意。歡啼並可親。縱無千里足。堪慰百年身。佳得食先分姊。更衣必示人。難揮汝爺慟。聞者亦酸辛。絕妙

周君自太僕。飄然挂冠今年五十矣。而顏尚童。其婿一龍。余從子也。乞詩為壽。

少日佳公子。中年賢大夫。自迴司僕馭。祇憶步兵厨。入坐峰峰玉。揮毫字字珠。龜貂未全散。時付酒家胡。

姚汝循

天界訪孤松。和尚

南郭尋幽出東林。問法過江山。朝雨霽竹樹。午煙和世味。閒來淡禪心。病後多獨慙。餘習在未得。遣詩魔。

寄張幼于

識面知何日。傾心蓋有年。起得從容相望五湖月。長咏四愁篇。博物誰能及。亡書口解傳。他時捧檄過。願駐孝廉船。清雅且疊用張氏故事全無痕迹妙甚

留酌張惟守花墅

自笑蓬蒿運常停高士車山光清對酒草色映
觀書過雨林花淨迴飈檻樹疎情真忘簡畧供
給祇園蔬絕清宛似孟襄陽詩

秋日同惟守遊崇因寺贈半塘詩僧

復嶺藏金界幽探歷翠微屢迷黃葉逕始到綠
蘿扉谷靜松聲合秋高林影稀皎然有新句併
為發清機佳

送子野遊棲霞諸山

山水憐同好雲霞羨獨行離尊乘夕霽去路及
秋清桂月千岩白荷風一棹輕知君多藻思臨
眺幾詩成洒落清新

贈養潛徐公子

世籍金張貴何年學遁棲蕭然三畝宅宛似武
陵溪武字假數對碧草侵堦滿青山入戶低每
來成燕坐煙霧使人迷妙

夏日半峰亭同金明府陳隱君作

耽幽來白社解愠藉南薰席就松陰展爐將栢

子焚林深全却暑亭迥半侵雲自愛清涼境非
徒避俗氛清新醞藉

孟夏廿七日同惟守習靜虛谷禪居

一入莊嚴地令人道念深齋厨無世味清梵有
仙音草色供幽坐雲光澹素襟飛埃從滿眼應
不到祇林幽襟可想

寄韓衢州湖南

畫省知名日蒼生屬望初專城欣出守合郡慰
來蘇雨閣凝香暇春山露冕餘天然可美才工

作賦八咏未應如無一字不工

菊日對酒適張少谷自越中至留酌共賦

秋色入陶家東籬菊吐花閒情方命酒故侶復
停車一別經年換重逢感髮華此生真隙鳥莫
惜醉流霞

二

悲君不得意吳越往來頻看菊又今日聽鶯曾
去春對流祢衡才未展原憲道常貧獨有驚人
句常憐泣鬼神妙

為子堅悼妻

幾年培艷植。一旦萎秋風。為憶多情者。何堪暮
景中。玉蕭聲已斷。錦帳夢猶通。妙脩短那須問。
由來色是空。

同方潯南虛谷禪房看菊一首

秋色清如此。誰能更索居。逸興飄然携尊攀逸駕。
看菊過禪廬。門掩寒芳靜。庭銜夕照虛。欲知延
玩久。落葉滿堦除。清宛

桐灣閣對月聽宋生唱歌呈在座諸君子

海月呼將出。何妨夜卧遲。聽歌皆白雪。把臂亦
瓊枝。拘束非吾事。踈狂恁所為。芳年難再得。痛
飲不須辭。向清與豪

晚泊荻港時入蜀

扁舟臨荻港。落日下高舂。煙暝前村樹。風傳何
處鐘。似右丞途窮悲作客。宦拙羨為農。負弩遙相
逐。而今豈再逢。全佳

應祥許至三山言別望而不至却寄一首

已訂三山約。將為信宿期。如何停畫舫。不得倚

瓊枝便利室冷陳蕃楊窓閑謝傳棋含情誰與
晤排悶一題詩開雅

自橫梁渡放舟還郡

解纜橫梁渡鳴橈濯錦川秋山初過雨夕漲欲
浮天四野明殘照孤城合暮煙愧無仁者政竹
馬亦橋邊冠冕自然王岑上品

假宿石麓山房贈台山主人

客抱何由遣言尋蕭史家人幽曾引鳳地僻屢
飛霞秀疊平泉石香生栗里花寒宵能下榻忘

却是天涯清麗

巴東公署感秋

薄暮宿巴東蕭條旅舍空江聲歎枕外山藹閉
門中殘雨滴疎樹荒原飛斷蓬長途對搖落一
倍感秋風

碧雲寺

策馬隨流水尋僧到碧雲自然冠金銀開法界
紫翠隔塵氛山自耆闍轉泉從阿耨分茗杯滌
凡想忘却無煙火氣妙在人群

夜至巴陵

寒夜宿巴陵孤蓬照一燈旅懷真斷梗物態且
春冰長缺彈何用低眉苦未能說盡心事足行
行何足歎伐木仲尼曾

書朱職方東塢別業冊

卜向東山隱非因學謝安從來厭喧濁自欲寄
巖巒映戶花千樹綠池竹萬竿濃麗誰言懶巾
擲亦戴鹿皮冠結意更妙

元晉養疴山寺詩以問之

聞君厭世氛禪侶日為群一徑入幽竹數椽依
白雲款門無俗駕堆案是玄文借問維摩病今
來較幾分盛唐正脉可法可傳

與惟守夜話有感

數日不相見懷思那可任憐茲樽酒夜重話歲
寒心我抱湘潭戚君多梁父吟緬追魚水契
胠對沾襟

覽八陣圖短述

輟棹依山麓扶筇步水濱遺圖看八陣霸業想

三分野靜吹寒籟江空鎖斷雲離離幾片石曾
說困吳軍懷自古不遠矣杜公安縣

舟次捷為吳小南郡倅酌我蘭溪美酒

逐客東歸日扁舟野泊初高江臨暮急古木帶
寒踈夢破竹柯蟻生全脫網魚逢君薦芳醞不
醉欲何如

夷陵除夕

柔櫓拂昏煙西陵晚泊船歲從今夜盡愁向此
時偏雪浦孤燈客風江萬里天蠻歌空滿耳栢

酒可誰傳無限旅愁悠然

張桓侯祠下經過一首

三分貌虎士遺廟此巖阿英氣終天在年光逝
水過忠懸漢日月功滿蜀山河獨有吞吳恨今
猶作怒波清新雄渾的

林三庭年兄美才放逐適茲歲暮過予道

舊却復別去輒成悲歌

對酒悵不樂別君當歲闌孤帆凌雪迥一鴈入
雲寒殘臘愁中盡新春客裏看世情多按劍長

缺莫輕彈 宛然右丞

喜惟守見過

迂避遠時久何人問獨醒不緣心似石安得眼
常青命駕從千里披襟共此庭杯盤慚簡畧談
笑喜忘形 天然可喜

新歲十日集錢別駕公署

旅思新年切寬愁賴有君綺筵張夜館錦帳煖
春雲明月懸歌扇迴風趁舞裙梅簷與蘭砌芳
藹共氤氳 清新綺麗

張文介

秋日山中頗愜幽興綠酒既熟黃花復開
獨酌對花不覺自醉喜而賦詩

草堂人境裏心遠有餘閑避客常稱疾清齋每
閉關池邊傾綠酒林抄見青山漸喜黃花發遙
遙映醉顏 清澹閒雅王孟之間

暮春與游初兄飲南屏絕頂得山字

三月春已晚小桃花始殷偶携東隣客一眺南
屏山孤磬澗松杪群舟煙水間浮生幾共笑醅

酌方宜還清新自然

待徐水南兄

故人投尺素今日枉柴門別久書如面交親喜
自言寫真情善看兒具朱菓携婦漉清樽漸落簷
前日應來陌上轅點出待字妙何

秋日園中有懷徐水南陸峻菴

小園微雨後高閣晚涼初樂事牀頭卷清綠鉢
底蔬陸衡書久濶徐孺榻長虛獨喜松間月時
能到敞廬冲淡閒雅

松樂亭晚眺呈方兩游丈賓山上人

山晚雲煙合亭虛眺望通湖光斜枕海江色遠
連空邂逅何年別登攀此日同不愁歸路黑留
宿有支公清逸後整

秋夕游初兄至二首

衡門夕未掩愁坐得君來隔水聞鳴笛踈簾落
暗槐鳴暗字假市醪雖似薄笑口且同開窮巷
仍茅屋無論濟世才信口道出

又

相見輒惆悵。共看塵滿衣。曾無一懷好。漸覺二毛稀。涼無恨悲高閣晚鍾度。長河秋月微。寫景清宵無久別尊。罄始應歸。結語高興與復發

過崗南別墅偶成

別業久稀到。偶來春正繁。澗源晴尚急。山霞晝仍存。楊柳翠盈渚。桃花紅滿軒。爽麗浮名是何物。三月一窺園。結翻董故事何等超達

與游初兄飲舊報功祠石上得茅字

幽尋偶得此。况共同心交。遠水淨如練。香醪濃

北膠浮煙連。萬井清磬落。三茅詩成莫。遽返山月未能拋。辭清興清

晚坐有懷

衆壑浮煙盡。孤村上月初。獨愁憐杜甫。多病笑相如。風暖梅全吐。冰開柳欲舒。季冬重過半。未得吉州書。

對菊示內人

道人心無事。睡起每朝食。窓外松千尺。床頭菊一盆。新興來聊飲。酒醉去共窺。園軒冕倘來物。

憑君且莫言

張南溪北亭讌集有贈

綵袖銀箏淨紅亭玉盞開綺麗地疑蓬島勝人
比竹林才醉舞從花笑清歌引月來未須驚夜
久共待曙鷄迴有逸趣

春日喜克際克謙過小園

幽尋憐二仲看竹到山亭清藥裹晴初曬柴扉
晝尚局閒安落花飄砌紫遠岫入筵青世事俱
垂老無須羨獨醒清新醒籍

小園晚興

朝朝竹林裏坐卧一茅廬甕有賢人酒門無達
者車捲簾來隴月引水灌園蔬幽事念此信為
樂悠然忘讀書達言

對雪遣心

獨坐凭烏几高齋暮雪時叢梅含凍發踈柳帶
煙歌短褐風偏入空階鳥不窺凄涼不堪明時甘
寂寞自笑拙男兒

春日寓畢氏花園魏將軍南洲見過

盛明詩集卷六

空林絕車馬。花徑帶山房。客似來天上。家疑住洛陽。寒杯傾轉綠。短鬢對俱蒼。甚對活醉罷看長劍。雄心尚未忘。辭清氣雄

寄雷東河參軍

一從分虎竹。幾夜夢金陵。老去懷偏切。書來喜不勝。林寒叢菊淨。山晚亂雲凝。妙牛首長江上。何時一共登。辭格清新峻整 盛唐妙侶

早起對雪寄一二知己

開門雪盈尺。清興滿吾廬。少婦忙烹酒。比隣恰

饋魚。未妨三徑竹。偏映一床書。莫問袁安舍。簞瓢又晏如。無一句無趣無一字不清充然 孟襄陽矣

夏日與諸兄弟携酒過李望菴園

乘興聯嵇駕。邀歡到習池。紅蕖風裏色。碧荔雨中枝。川暝鳧飛急。雲涼客醉遲。未須燒絳燭。清月滿荼蘼。清麗從容有興有趣去 王右丞不遠矣

竹泉兄水亭納涼

吾兄水亭好。暑氣坐來消。對竹書千帙。看花酒一瓢。善榜竹酒對甚白鱗吹浪淨。紫燕拂筵嬌。俊

甚更喜來新月清風不用招惟守每遇末

家園納涼戲成

何處堪逃暑幽林向晚隨白醪新漉後涼月乍
生時絕清絕清秀句池花妬嬌歌竹鳥窺清綠莫
輕覩殊勝党家姬妙

天真閣晚望書懷

高閣暮鍾餘閑簷霽月初絕似王殘煙吳苑樹
遠火浙江漁垂老祗耽酒何心更著書潮陽久
征討消息近何如結語含蓄沉着抱經世之心

春日寄黃新陽明府

江上久離群春來更憶君一從選作令不復共
論文走馬對遠夢迷津柳愁心極海雲閩中鴻
鴈少安得一行聞辭俊意圓

懷宋如竹叅軍

不見宋公久秋來又一年雖然在幕府何異作
神仙畫戟隨驄馬青娥侍錦筵留都更閑暇幾
月一朝天宋字俱綠性情

溪邊

盛明十二家詩選卷六
三十一
看夫

溪邊桃李月竹裏兩三家抱郭青山遠遠景依
門碧柳斜之景閑看高士傳醉坐一亭花用字
此意堯夫解清風尚未遐清襟可想

浮石舟中

落景千林夕孤帆片雪懸好句澄波澹初月遠
與暗寒煙壯志狂歌裏清樽短髮前無能事浮
海擊楫獨冷然清新沉鬱如秋夜蕭聲

秋日園中書懷言未

清晨挈童稚看菊向山園有陶既喜俗交絕且

憐初日暄溪聲帶秋鴈雲色滿寒原詩中有無
限臨花意從誰一笑言

送友人之任九江

千里銜王命纔看綵服還今朝擁車馬又別白
雲間首聯對岼柳迎征旆江梅照醉顏匡廬郡
閣外何日共躋攀明白圓妥

小園獨酌有贈

積雨林花暗微風徑草翻鍾聲隱遙樹苔色上
高垣一聞一亞亞床頭菊寥寥竹下尊慙慙賴

小婦携饌屢過論有出趣似常而語徒過之

春日寓王丈樓曉望王貧甚為余市河清

巨尊故中聯云云

高樓倚南郭一望盡寒原日出半江碧雲晴群
雀喧麗語病憐孤客枕貧感故人尊忽見桃花
發鄉心不可言語意皆

飲鳳麓太守花墅

使君陶謝侶佳句滿梁園傾蓋渾如舊開尊共
此軒微風紅蕙淨驟雨碧荷翻興洽忘歸晚高

城暮柝繁

睡起有感

朝暉半南麓孤館醉初醒群雀窺人下垂藤照
眼青沾衣聞過鴈扼腕感流萍何日東歸去丹
楓又滿垆清新沉着王孟之間

冬夜旅懷

曲檻迴風度空塔片月斜路長衣未授客久鬢
俱華寶鴨沉煙冷高城玉漏賒夢魂知旅思無
夜不還家無一字不佳

飲鳳麓丈讀書處同賦座中有大理石屏
花徑曲透迤高齋去欲迷起即有山從石裏見
鳥向席邊啼把酒坐花下檢書忘日西天然抵
因戀朋好不計屢招携情好宛然

又

捲幔邀殘照揮毫向夕除清辭六朝後妙札二
王餘暮柝煙中遠寒星柳外疎醉分初月下歌
去復踟躕宛然孟

送潘至齋別駕之任涪州

灑翰送君別蕭蕭煙雨寒江波一帶碧楓葉萬
林丹巫峽雲中度岷山雪裏看寫川中州人應
日待共喜得潘安

金陵旅懷

春風朝滿庭春日半郊垆落絮沾泥白遥山對
酒青此身原似鶴千里任飄萍何處吹羌笛花
間倚醉聽和厚從容愁鬱中有洒落

與鳳麓文習靜虛谷上人房時俱病酒

禪房兩花籠一徑入雲深碧草愔前色遥鍾空

外音清齋供佛果玄語淨凡襟轉得醒中趣沉
冥厭竹林清新之極無

寄雷東河叅軍

時有侯寇之亂

金陵一相見高誼即知君看劍傷時變談詩每
夜分別來重幾月朝夕悵停雲朔鴈南飛盡音
書可得聞字字工緻美

寄費懷石叅軍

左府詩名久清新庾信儔大家自分楊柳陌悵
復菊花秋白社青溪上孤林一水幽各自對何

時乘興去散此別離愁

信口信意曲盡深情

宿關上有懷橫崖鳳麓懷石諸社長

連年二三月一度穆陵關令尹知名姓風沙老
壯顏暮山青箇箇春澗白潺潺坐憶梁園侶看
花正醉還清淡中有至味

四月八日與橫崖明府集鳳麓郡伯別墅

賞牡丹得還字

朝來夏已久猶敞牡丹筵既喜花仍好蕪之地
且偏輕便搖風殊裊裊映石更娟娟味牡丹不

明月天街路無妨盡醉還結更後送

花間呈水南兄

映日紅榴淨牽風碧柳長得眼前景寫水邊沙作

徑石裏竹為堂客喜有徐孺貧嗟無杜康欲知

清翫久初月滿衣裳酒脫

重經椒鹽

遑遑三十載仍是布衣過不改青山色其如白

髮何勝感慨不江雲紛送酒林鳥遠調歌未可停

舟楫東風滿綠波俊逸謂之

與王道巖重遊清獻公亭上作

招尋惟有爾徒倚亦茲亭白雪憐同調桃花笑

獨醒入簾山舊碧照眼柳新青向晚尋歸路漁

歌隔水聽清新洒落絕

九日風雨登吳山亭子

今日復九日自憐猶未還巖亭足佳菊風雨亦

躋攀佳典可想漠漠煙中寺冥冥海上山兩景如

鄉園渺何處空佇白雲間妙

駱家路旅舍

...

悄悄荒村路。蕭蕭暮雨時。主人懽舊客。酌醴煮新葵。短褐慚清世。長吟感素絲。鷄鳴復東去。棲息尚無期。愁鬱不堪

乙亥至夜游初兄携酒見過

客舍遠携酒。况憐長至宵。感君交義重。使我旅魂搖。堦下月如練。門前風似刀。窮途無限恨。頻向劇談消。氣厚句健格整情真脫然高遠夫笑

遣懷

時有侯寇之亂

一水斜通棧。群山曲抱城。短簷殘雪色。遠寺暮

鍾聲。茅屋仍加稅。天河未洗兵。空懷太平策。誰問魯狂生。

桐江夜行

時賃居杭城望仙橋河下

月上暮煙消。歸舟趁落潮。漁歌出浦近。獵火隔村遙。塞冷鴻初度。江波魚屢跳。亭魂知所憶。先到望仙橋。盛唐妙品

七夕虎泉公席上送程六嶽得心字

錢君當七夕。語笑忘更深。纖月墮池樹。涼颼來石林。無煙火不辭金掌滿。但恐玉河沉。人間與

天上同此別離心

結更妙人所未語

乙亥除日飲虎泉公浮休舫中分韻得俱字

那知歲除日。猶自滯窮途。幸有芝蘭倚。聊忘鄉土殊。杯香瀉醅醪。飯滑煮雕胡。北海誰云逝。清風尚與俱。
北海好客

秋日虎泉公園與李珠山康曉山劉望陽

諸辭文分韻得衣字

林園暑氣微。竹裏共忘歸。展卷依流水。開尊面

紫薇藻。開跳錦鯉花。落點絺衣向。晚分題去昏。鴉滿樹飛。
佳

夏日携酒虎泉户侯園

將軍別墅寬。携酒暫邀歡。竹靜疑無暑。風多反覺寒。
妙短歌狂自詠。長劍老羞彈。最愛筵前菊。先秋輒滿闌。

丁丑中秋與游初兄對酒作

去年同翫月。酌酒向華軒。此夜欣仍對。開尊共笑論。竹幽螢屢度。荷重露初繁。醉別宵將半。天

街歌尚喧。有逸趣。

戊寅元日

垂老逢元日。當杯且笑歡。最憐生盛世。又喜不為官。亞亞寒梅蕊。青青春菜盤。醉歌慵擊筑。時把佩刀彈。結語蕩起一篇之意。感慨可想。

與懷石使君湖心亭作

湖心蓮更好。斜日復同攀。清美花邊棹。兼之煙際山。筵開綠水上。人醉綵雲間。月裏烏紗帽。何妨倒着還。清興洒然。

秋日山居雜興

片雨殘虹外。孤霞落照邊。渚蓮秋欲盡。山月晚仍圓。濟川才豈有。捧日意還懸。驚見黃花發。浮生又一年。

章戴舟中喜道岩良野漸近

遠岫高無極。清溪曲幾盤。沙晴鳥乍集。浦凍雪仍殘。寫冬景。岸柳含春色。林風起暮寒。美人家漸近。只在水雲端。

夜坐書懷

悠悠對殘菊。獨坐自含情。隔水夜春急。入簾秋
月明。蒼生空有念。華髮尚無成。翻愧巢由輩。高
居過此生。結意殊占地步思兼善者哉

桐江舟中書懷時下第歸

浮生復能幾。耆老尚含愁。坐惜青雲晚。况驚紅
樹秋。空囊奴僕厭。秀句鬼神讐。歸去酒應熟。且
為籬菊謀。竟不為造化小兒所困達哉達哉

對雪撥悶

凍雪半簷樹。蕭蕭清映人。雖無柳絮墮。絕勝桃

梅春。絕新絕清人所未道漫對杯中物。那堪病裏身。翻
書擁兒女。聊用豁吾真。此真性分中清樂惟幽人識得

南泉草堂對月月紅作

盈盈照酒丹。長滿碧闌干。但遣來俱醉。寧辭月
一看。點月月開意爽窮愁吟裏失。老眼望中寬。漫笑
天將暝。淹留尚未還。高興可想殊有陶元亮風趣

王恭戎南園有贈

北地春將盡。南園晚更嘉。輕風動楊柳。落日半
桃花。二句天然之極不感空梁燕泥上客陶元亮。天姬張麗

華清歡共忘。夕月色滿前沙。

結清甚可與知者道

早春與中石游初遊劈泉寺得如字

春遊已可樂。况值杏花初翠竹。聞啼鳥清池看。

釣魚攀雲叩禪室。劈石訪仙渠。白土磴借問關

中客山川可得如。時中石自陝西還

夏日與懷石丈過虎泉公園看五月菊

言乘一朝暇共集四宜園竹密忘天暑。花深隔

世喧。妙句聞蟬今日始看菊。晚來繁歸路。憐踈

雨新涼滿去轉。

秋日携酒與游初兄君直尚玄重遊雲居

松樂亭得錢字

此地曾同醉。重來又幾年。愁多髮併白。興好句

仍玄遠。海秋煙外澄。湖夕照前。如畫樽空當更

覓囊裏有青錢。

雪晴即事

霽檻千峰雪。寒江一水雲。好景澗泉流細細。簷

鵲噪紛紛。酒喜比隣饋。香凭小婦焚。宛然柱簾

瓢已垂老尚作送窮文。尚作豈肯復作也

朝閣

朝閣書千卷。寒城雪萬家。杯浮紅瑪瑙。人勝白桃花。
絕新江冷魚書絕。風狂鴈字斜。對天然之醉
來歌一曲亦喜叶琵琶。俊逸風流

湖上和茅使君贈美人

雅態已憐人。嬌歌更絕倫。櫻桃作口小。柳葉畫眉新。
俊麗按瑟全同趙。調箏半學秦。明珠今夕裏。還贈舊情親。

已卯春日携酒清波門城樓次游初元韻

閣迥含諸勝。春來始一過。梅香浮玉笋。柳色墮金波。
白雪憐新調。紅亭憶舊歌。還同覓桃葉。此去路無多。妙

九日飲迴崖上人房因懷君直往秋同遊

此地
金刹倚雲懸。禪堂近日邊。松稍看定鶴。竹裏聽飛泉。
一動一靜不細菊含斜照。澄湖媚遠天。因

懷舊遊侶把酒獨潛然。

宴西花園奉酬 潢翁益國主四首

何幸來玄圃論文待綠尊賢王過漢主賓客愧
梁園睿藻春同麗仙葩晚更繁醉餘還獻頌聊
用答殊恩

二

別苑金為屋芳林綺作臺綺麗雪融珠樹濕風
爽紫蘭開戲蝶隨香輦飛花送玉杯空陪柏梁
宴何有兔園才

三

積雨青蘿長初晴碧柳新啼鶯如勸客乳燕不

驚人婉麗水淨流觴緩絃繁度曲頻賢王多逸
興長此醉芳辰

四 園與麻姑山相去甚通

山迥通瑤島亭幽俯綠池碧桃天上種錦荔日
南枝小洞穿花入懸崖疊石危還聞東苑裏林
水更多奇四篇俱典雅

與胡靜源迴崖醉後遊雲居長廊

醉來高興發還共步長廊幾處石泉響半堦瑤
草芳孤雲護巢鶴初月滿繩床供客足清茗無

妨言笑長真率有風致

與陶少和先生登大觀亭

紅亭臨絕巘。載酒喜同登。照几湖光淨。凭闌海氣蒸。官情秋水澹。藻思暮霞興。半日聆高論。何如御李膺。

春夜游初兄見過兼贈佳什次韻

病裏能頻顧。况憐微雨時。貫醪雖似水。刻燭且題詩。月落鴈飛急。春寒柳吐遲。君才信倚馬。拈筆幾曾思。
情真與逸字字二緻結語更有天趣

建德南城外間眺有贈

溪閣偶同眺。溪煙朝滿汀。綠堤一水碧。抱郭群山青。細菊冷仍豔。叢蘭幽更馨。嬌絃殊可悅。宿醉得君醒。
有風有韻大

春日與珠山丈過迴崖禪房

青春重欲半。楊柳漸堪攀。偶逐煙霞侶。因過水竹間。
喜自然可澄湖明夕照。微雨暗春山。
明暗字終日嗟城市。今朝喜暫閒。

還家喜希曾見過

歸來秋已盡。三徑宛陶家。偶乞比隣菊。聊將紀
歲華。喜君能枉駕。把酒且看花。不厭盤餐薄。攀
留願日斜。清新真率可與孟浩然故人具鷄黍

篇並誦矣

書陳美人扇面

幽閒已同玉。嬌豔更如花。眉黛雙垂月。唇朱一
點霞。調歌寧籍瑟。擲菓每臨車。一笑春盈面。朝
朝會狹斜。風流雅調才情不減六朝而音律順
暢更遠過之

立秋日與張歷山先生紫陽洞中共賦

石洞翠微半。到來心自清。巖頭暗泉落。几下長
江橫。寫得絕像殘暑幘屨岝。新秋杯一傾。高談
不覺暝。歸路煙霞生。字字清新

湖濱曉步

曉起步西郭。湖光混未分。群峰霧裏見。孤磬雲
標聞。林月盡歌墮。渚鷗猶自群。往來藕花畔。繞
徑香氤氳。雄渾清麗

發謝家埠時寓柁樓虛稍中

久坐謝家埠。今朝祈發船。綠堤細草碧。照水天
桃鮮。把酒此稍底。望鄉何處邊。清虛如水到家
春欲盡。一倍惜韶年。用欲盡字妙所以惜之

春日迴崖見過

半年不相見。乍對歡無涯。相留共麩飯。柰可值
清齋。春酒碧於水。桃花紅滿堦。新秀句轉冲澹。
益憐冰雪懷。無一字煙火氣

初夏携酒童子泉亭與陳少府作

斜日半巖阿。還同載酒過。海雲全夏色。山鳥尚

春歌高論霏珠玉。清襟映薜蘿。醉分泉石上新
月滿江波。清新宛如秋

秋夜飲王懷亭總戎旅寓得雲字

高館絕塵氛。疎鍾隔水聞。花稍帶涼月。天際澹
秋雲。二句清極客醉尊仍滿。詩成夜款分。主人殊
俊逸。不亞鮑參軍。宛然孟詩

寓明宇書閣喜陳竹廬見過得書字

昔別日能幾。相逢歲重除。談玄對寒兩。浮白嘗
春蔬。對妙且天故國飛鳥外。狂歌殘照餘。詩成

喜皆捷笑拂花箋書

清如皎月逸

與迴崖上人湖上看桃花得飛字

遠岫帶煙微澄波淡夕暉湖中殊欲暝花底尚

忘歸幽襟可想碧草承趺坐紅香落素衣用字新

辭勝花豔驚逐暮霞飛



盛明十二家詩選卷六畢



